

عايزة أرجعك تانى

الغربة مش مرواح بعيد

وأعيش وحيد

فى بلاد غريبة

الغربة فى الأيام أكيد

والحلم يبقى بلاد بعيدة

او يوحشك ضي القمر

الغربة ان العمر يصبح

قلب ذكريات

أو طوب حجر

الغربة مش بس في الوطن

ولا هيا بعد عن السكن

الغربة انك ماتلاقيش

جوه البيوت معنى السكن

الغربة مش احساس لموت

الغربة مش بركان سكوت

الغربة حزن وذكريات

جواك بتلجم فرحتك

الغربة مش بس المكان

الغربة انك من الزمان

بتوه يا صاحبي وتتلفت

الأمن والحب ليه

وازاى أنا هسأل عليه

الغربة فى كل الأماكن

لما يبقى الحزن ساكن

غربة ف الخوف والألام

والغريب لو حتي عاد

بعد صبر وطول عناد

راح يلاقي الكل قافل

قلبه من طول البعاد

هيا دي الغربية بجد

واللي ليها وضعت حد

قلت اهرب منها واجي

ولحبايبي فردت يد .